

- organizacije 15 i više kilometara, dužni su uplatu gotovog novca izvršiti najkasnije u roku od pet radnih dana, a priređivači igara na sreću, u skladu sa propisom kojim se propisuje priređivanje igara na sreću, dužni su uplatu gotovog novca za proteklih sedam dana, zaključno sa nedjeljom, izvršiti najkasnije u sljedeći utorak.
- (3) Ukoliko je dnevni priliv gotovog novca ostvaren u petak, naredni radni dan smatra se sljedeći ponedjeljak, u smislu stava (1) ovog člana.
- (4) Uplata gotovog novca na račun kod ovlaštenih organizacija i vođenje blagajne ne odnosi se na poduzetnike koji porez na dohodak plaćaju u paušalnom iznosu."

Član 3.

U članu 10. stav (1) iza tačke c) dodaje se nova tačka d) koja glasi:

"d) vrši plaćanje i naplaćivanje proizvoda u trgovini na veliko u gotovom novcu suprotno odredbama člana 3. stav (4) ove uredbe,".

Dosadašnje tač. d), e) i f) postaju e), f) i g).

Član 4.

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 1429/2015
22. oktobra 2015. godine
Sarajevo

Premijer
Fadil Novalić, s. r.

Na temelju članka 15. stavak (2) Zakona o unutarnjem platnom prometu ("Službene novine Federacije BiH", broj 48/15), Vlada Federacije Bosne i Hercegovine, na 28. sjednici, održanoj 22.10.2015. godine, donosi

UREDBU O IZMJENAMA I DOPUNAMA UREDBE O UVJETIMA I NAČINU PLAĆANJA GOTOVIM NOVCEM

Članak 1.

U Uredbi o uvjetima i načinu plaćanja gotovim novcem ("Službene novine Federacije BiH", broj 72/15) u članku 3. stavak (1) tačka c) riječi: "propisima koji reguliraju porez na dohodak" zamjenjuju se riječima: "člankom 14. Pravilnika o primjeni Zakona o porezu na dohodak ("Službene novine Federacije BiH", br. 67/08, 4/10, 86/10, 10/11, 53/11, 20/12, 27/13, 71/13, 90/13 i 45/14)".

U tački g) zarez i riječi: "izuzev plaćanja proizvoda u trgovini na veliko," brišu se.

Na kraju tačke j) tačka se zamjenjuje zarezom i dodaje se nova tačka k) koja glasi:

"k) povrat poreza na dodanu vrijednost u gotovini sukladno propisima o uvjetima i načinu povrata poreza na dodanu vrijednost stranim državljanima."

Iza stavka (3) dodaje se novi stavak (4) koji glasi:

"(4) Zabranjeno je plaćanje i naplaćivanje proizvoda u trgovini na veliko u gotovom novcu."

Članak 2.

U članku 8. iza stavka (1) dodaju se novi st. (2), (3) i (4) koji glase:

"(2) Iznimno, poslovni subjekti čiji dnevni priljev gotovog novca ne prelazi 200,00 KM ili su udaljeni od ovlaštene organizacije 15 i više kilometara, dužni su uplatu gotovog novca izvršiti najkasnije u roku od pet radnih dana, a priređivači igara na sreću, sukladno propisu kojim se propisuje priređivanje igara na sreću, dužni su uplatu gotovog novca za proteklih sedam dana, zaključno sa nedjeljom, izvršiti najkasnije u sljedeći utorak.

(3) Ukoliko je dnevni priljev gotovog novca ostvaren u petak, naredni radni dan smatra se sljedeći ponedjeljak, u smislu stavka (1) ovoga članka.

(4) Uplata gotovog novca na račun kod ovlaštenih organizacija i vođenje blagajne ne odnosi se na poduzetnike koji porez na dohodak plaćaju u paušalnom iznosu."

Članak 3.

U članku 10. stavak (1) iza tačke c) dodaje se nova tačka d) koja glasi:

"d) vrši plaćanje i naplaćivanje proizvoda u trgovini na veliko u gotovom novcu suprotno odredbama članka 3. stavak (4) ove Uredbe,".

Dosadašnje tač. d), e) i f) postaju e), f) i g).

Članak 4.

Ova uredba stupa na snagu narednog dana od dana objave u "Službenim novinama Federacije BiH".

V. broj 1429/2015
22. listopada 2015. godine
Sarajevo

Premijer
Fadil Novalić, v. r.



1548

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Vlada Federacije Bosne i Hercegovine na 28. sjednici, održanoj 22.10.2015. godine, donosi

ОДЛУКУ О УТВРЂИВАЊУ КРИТЕРИЈА ЗА ИЗБОР И ИМЕНОВАЊЕ НАДЗОРНОГ ОДБОРА РАЗВОЈНЕ БАНКЕ ФЕДЕРАЦИЈЕ БОСНЕ И ХЕРЦЕГОВИНЕ

I

Овом одлуком прописују се опћи и посебни критерији које је потребно да испуњавају лица за избор и именовање Надзорног одбора Развојне банке Федерације Босне и Херцеговине.

II

Опћи критерији за избор и именовање председника и чланова Надзорног одбора Развојне банке Федерације Босне и Херцеговине су:

- да су старији од 18 година;
- држављанство Босне и Херцеговине;
- да нису отпуштени из државне службе као резултат дисциплинске мјере на било којем нивоу власти у Босни и Херцеговини (било на нивоу државе или ентитета) у периоду од три године прије дана објаве конкурса за избор и именовање Надзорног одбора Развојне банке Федерације Босне и Херцеговине;
- да се на њих не односи члан IX. 1. Устава Босне и Херцеговине;
- да нису изабрани званичници, носитељи јавних функција, савјетници у смислу Закона о сукобу интереса у органима власти у Федерацији Босне и Херцеговине ("Службене новине Федерације БиХ", број 70/08) и Закона о сукобу интереса у институцијама власти Босне и Херцеговине ("Службени гласник БиХ", бр. 16/02, 14/03, 12/04, 63/08, 18/12 и 87/13);
- да нису на функцији у политичкој странци у смислу члана 5. Закона о министарским, владиним